

光讚般若波羅蜜經

才五

六十七  
河五

47452



元祿九年丙子二月日重脩

皇圖

聖

帝

佛

日

轉

山城州天安寺法金剛院置



光讚般若經卷第五


河

西晉三藏法師竺法護譯

光讚般若波羅蜜行品第九

河 四卷一

於是賢者須菩提白佛言唯天中天假使菩薩摩訶薩無濕起拘舍羅行般若波羅蜜若行色者則為行想若行痛痒思想生死識者則為行想若行色常則為行想若行痛痒思想生死識常者則為行想若行色無常則為行想若行痛痒思想生死識無常則為行想



若行色苦則為行想若行痛痒思想生死識  
苦則為行想若行色樂則為行想若行痛痒  
思想生死識樂者則為行想若行色我所者  
則為行想若行痛痒思想生死識我所者則  
為行想若行色非我所者則為行想若行痛  
痒思想生死識非我所者則為行想若行色  
虛無者則為行想若行痛痒思想生死識虛  
無者則為行想若使天中天菩薩摩訶薩行  
般若波羅蜜行色寂寞則為行想行痛痒思  
想生死識寂寞者則為行想假使天中天菩  
薩摩訶薩行般若波羅蜜無滷和拘舍羅若  
行四意止則為行想四意斷四神足五根五

力七覺意八由行則為行想若行十種力四  
無所畏四分別辯十八不共諸佛之法則為  
行想唯天中天假使菩薩摩訶薩行般若波  
羅蜜而自念言我行般若波羅蜜是為菩薩  
摩訶薩而反行想假使菩薩摩訶薩心自念  
言作是行者則為行般若波羅蜜亦為行想  
是為菩薩摩訶薩行般若波羅蜜無漚想拘  
舍羅舍利弗問須菩提菩薩摩訶薩當云何  
行般若波羅蜜得般若波羅蜜須菩提謂舍  
利弗假使賢者菩薩摩訶薩行般若波羅蜜  
立色想則不信解若立色者則不脫想為行  
生死想若行色想則不得脫無明行識六入

四更痛愛受有生老病死憂戚惱會彼菩薩摩訶薩為不行般若波羅蜜則無溫想拘舍羅立於眼想則不信脫假使菩薩摩訶薩立於耳鼻口身意想則不信脫設立於眼色識耳聲識鼻香識舌味識身細滑識意法識想則不信脫若習眼更耳鼻口身意所習更立是諸根則不信脫假使立四意止四意斷四神足五根五力七覺意八由行想不信脫設立於十種力四無所畏四分別辯十八不共諸佛之法想者則不信脫而於佛法念行著想念行想者則不信脫十二因緣苦惱之患彼菩薩摩訶薩不應為聲聞辟支佛造證何況逮得

阿耨多羅三耶三菩阿惟三佛乎所不能及也如是舍利弗菩薩摩訶薩行般若波羅蜜爲無漚和拘舍羅舍利弗謂須菩提云何菩薩摩訶薩行般若波羅蜜而有漚和拘舍羅耶須菩提謂舍利弗設使菩薩摩訶薩行般若波羅蜜不行色不行痛痒思想生死識不行色常不行痛痒思想生死識常不行色無常不行痛痒思想生死識無常不行色苦不行痛痒思想生死識苦不行色樂不行痛痒思想生死識樂不行色非我所不行痛痒思想生死識

非我所不行色虛無不行痛痒思想生死識  
虛無不行色空不行痛痒思想生死識空不  
行色無想不行痛痒思想生死識無想不行  
色無願不行痛痒思想生死識無願不行色  
寂寞不行痛痒思想生死識寂寞不行色無  
想不行痛痒思想生死識無想所以者何色  
者則空色無異空色則為空空者為色色自  
然空痛痒思想生死識空則無有識無有異  
空識則為空空者為識四意止四意斷四神  
足五根五力七覺意八由行為空無有異空  
三十七品計則為空無分別異空三十七品  
空空者三十七品十種力四無所畏四分別



辯十八不共諸佛之法則爲空無有異空佛  
法則空無他別異空空者則法法者則空如  
是舍利弗菩薩摩訶薩行般若波羅蜜爲成  
澀想拘舍羅菩薩摩訶薩行般若波羅蜜如  
是者逮得阿耨多羅三耶三菩阿惟三佛彼  
行般若波羅蜜已無所受無所行不受不行  
不行不受不有所行亦非不行是故無所受  
亦不有所受賢者舍利弗謂須菩提何故菩  
薩摩訶薩行般若波羅蜜已無所受須菩提  
荅曰所以菩薩摩訶薩行般若波羅蜜自然  
不可得由是之故般若波羅蜜爲無所有則  
爲自然以是故舍利弗菩薩摩訶薩行般若

波羅蜜無所受無所行不受不行不受  
不有所行亦非不行是故無所受亦不有所  
受所以者何一切諸法為無所有則謂自然  
是故無所至無所犯負是名曰一切不受三  
昧之定菩薩摩訶薩廣普玄遠而無所量諸  
聲聞辟支佛所不能及菩薩摩訶薩以是三  
昧疾得阿耨多羅三耶三菩阿惟三佛舍利  
弗謂須菩提菩薩摩訶薩不離是三昧疾得  
阿耨多羅三耶三菩阿惟三佛者復有餘三  
昧乎須菩提荅舍利弗復有餘三昧疾得阿  
耨多羅三耶三菩阿惟三佛舍利弗謂須菩  
提何所餘三昧行菩薩摩訶薩疾得阿耨多

羅三耶三菩阿惟三佛須菩提謂舍利弗菩  
薩摩訶薩行首楞嚴三昧疾得阿耨多羅三  
耶三菩阿惟三佛須菩提謂舍利弗復有三  
昧名曰寶印復有三昧名曰師子娛樂復有  
三昧名曰月曜復有三昧名曰月幢英復有  
三昧名一切印復有三昧名曰無能見頂復  
有三昧名曰了法界復有三昧名曰分別幢  
英復有三昧名曰喻金剛復有三昧名曰入  
法印復有三昧名曰立定意王復有三昧名  
曰印王復有三昧名曰勢力精進復有三昧  
名曰超等復有三昧名曰入應順分別復有  
三昧名曰入辯於十方界復有三昧名曰摠

持意復有三昧名曰度無爲復有三昧名曰  
等御諸法海印復有三昧名曰普周虛空復  
有三昧名金剛道場復有三昧名曰執英幢  
復有三昧名曰帝英如門闍復有三昧名曰  
起本復有三昧名曰師子吼復有三昧名曰  
精進立復有三昧名曰勝寶復有三昧名曰  
明復有三昧名曰不眴復有三昧名曰不住  
於下復有三昧名曰決了復有三昧名曰鎧  
明廣普復有三昧名曰無量行復有三昧名  
曰光造復有三昧名曰有所炤曜復有三昧  
名曰莊嚴淨復有三昧名曰離垢光復有三  
昧名曰有所造樂復有三昧名曰電鎧明復

有三昧名曰盡索復有三昧名曰威神跡復  
有三昧名曰離盡索復有三昧名曰無能勝  
復有三昧名曰開通復有三昧名曰燈明復  
有三昧名曰離燈垢復有三昧名曰嚴淨辯  
才復有三昧名曰有所光耀復有三昧名曰  
造事復有三昧名曰慧英復有三昧名曰住  
惟復有三昧名曰普明復有三昧名曰善立  
復有三昧名曰寶積復有三昧名曰超諸法  
印復有三昧名曰普法復有三昧名曰勝娛  
樂復有三昧名曰度法頂復有三昧名曰有  
所毀壞復有三昧名曰一切明句復有三昧  
名曰等字所作復有三昧名曰趣字復有三

昧名曰斷因緣復有三昧名曰無事復有三  
昧名曰無牆復有三昧名曰決了入号復有  
三昧名曰無早行復有三昧名曰除冥復有  
三昧名曰修行跡復有三昧名曰無動復有  
三昧名曰度界復有三昧名曰決一切德復  
有三昧名曰住無心復有三昧名曰淨於巖  
整復有三昧名曰度覺意復有三昧名曰無  
量燈明復有三昧名曰等不等復有三昧名  
曰度一切復有三昧名曰斷諸事復有三昧  
名曰離意了除復有三昧名曰離建立復有  
三昧名曰一勝復有三昧名曰行諸事復有  
三昧名曰一事復有三昧名曰除怨事復有

三昧名曰滅諸所有不當復有三昧名曰入  
隨因緣音復有三昧名曰聲跡言無盡度復  
有三昧名曰威神跡復有三昧名曰光耀熾  
盛復有三昧名曰清淨樹復有三昧名曰清  
燈而閑復有三昧名曰一切勝復有三昧名  
曰不樂一切諸苦樂復有三昧名曰無盡事  
復有三昧名曰揔持句復有三昧名曰等於  
正邪師子座復有三昧名曰入嚮離嚮復有  
三昧名曰無嚮得嚮復有三昧名曰離垢明  
復有三昧名曰御跡復有三昧名曰滿月離  
垢光復有三昧名曰電錠光復有三昧名曰  
大巖淨復有三昧名曰普照世間復有三昧

名曰普定意復有三昧名曰應無染離染復  
有三昧名曰御空一切等御復有三昧名曰  
無青不青寶復有三昧名曰立無本念復有  
三昧名曰身時第一復有三昧名曰言時除  
空念復有三昧名曰脫虛空礙滅護舍利弗  
菩薩摩訶薩行是諸三昧疾得阿耨多羅三  
耶三河菩阿惟三五佛及餘不可計會無有限量  
諸三昧門諸揔持門菩薩摩訶薩所當學者  
疾逮得阿耨多羅三耶三菩阿惟三佛於是  
須菩提承佛聖旨而嘆頌曰舍利弗欲知往  
古怛薩阿竭阿羅訶三耶三佛則爲授此等  
菩薩摩訶薩決及今現在十方世界諸現在



恒薩阿竭阿羅呵三耶三佛悉已授此諸菩  
薩摩訶薩波其行是三昧者彼不見三昧亦  
不念三昧亦無所三昧亦不想我當三昧吾  
當三昧乎亦不念我空三昧是菩薩摩訶薩  
無想念舍利弗謂須菩提菩薩摩訶薩住是  
三昧爲往古三耶三佛所授波乎答曰不也  
舍利弗所以者何唯舍利弗般若波羅蜜三  
昧不爲異也菩薩摩訶薩亦不爲異菩薩摩  
訶薩則爲三昧三昧則爲菩薩摩訶薩舍利  
弗謂須菩提如仁者所云菩薩摩訶薩般若  
波羅蜜及諸三昧不爲各異菩薩則三昧三  
昧則菩薩一切法皆平等則不知三昧以是

故舍利弗於是三昧善男子亦不知亦不了  
舍利弗又問何故知不了用無明故而為  
三昧以是故菩薩不知不了尔時世尊讚賢  
者須善提善哉善哉須善提如吾讚仁行空  
第一嘆之最尊菩薩摩訶薩學般若波羅蜜  
當如是學檀波羅蜜尸波羅蜜羣波羅蜜惟  
逮波羅蜜禪波羅蜜般若波羅蜜四意止四  
意斷四神足五根五力七覺意八由行十種  
力四無所畏四分別辯十八不共諸佛之法  
舍利弗白佛言善薩摩訶薩學如是為學般  
若波羅蜜乎佛言如是善薩摩訶薩如是學  
為學般若波羅蜜所學者亦無所得檀波羅

蜜尸波羅蜜羸波羅蜜惟逮波羅蜜禪波羅  
蜜般若波羅蜜亦復如是四意止四意斷四  
神足五根五力七覺意八由行十種力四無  
所畏四分別辯十八不共諸佛之法自然具  
足雖有所得亦無所得舍利弗白佛言菩薩  
摩訶薩學如是作是學為學般若波羅蜜得  
般若波羅蜜乎佛言如是學為學般若波羅  
蜜得無所得舍利弗白佛云何得無所得世  
尊荅曰不得吾我亦不得人壽命亦不得所  
見五陰究竟本末普悉清淨亦不得見也陰  
種諸入本末究竟如是悉清淨亦不得無明  
之原本末究竟而悉清淨行識六入名色所

更痛愛受有生老病死本末究竟而悉清淨  
苦無所得本末究竟而悉清淨習盡之路亦  
不可得本末究竟而悉清淨欲界亦不可得  
本末究竟而悉清淨色界無色界亦不可得  
本末究竟而悉清淨四意止四意斷四神足  
五根五力七覺意八由行十種力四無所畏  
四分別辯十八不共諸佛之法亦不可得本  
末究竟而悉清淨六波羅蜜亦不可得本末  
究竟而悉清淨須陀洹斯陀含阿那含阿羅  
漢辟支佛亦不可得本末究竟而悉清淨菩  
薩亦不可得本末究竟而悉清淨佛亦不可  
得本末究竟而悉清淨舍利弗白佛言何所

清淨世尊荅曰無所起無所生無所得無所  
行則為清淨舍利弗言唯然世尊菩薩摩訶  
薩如是學者為學何法佛言菩薩摩訶薩學  
如是者為學無所學法所以者何舍利弗是  
諸法者計其所有而愚凡夫之所倚立舍利  
弗白佛言唯然世尊誰致是法佛言如無所  
得河以是故得五卷八如是逮者故曰無所逮又問世  
尊誰無所得而有所得佛言色無所得其內  
亦空外亦復空內外亦空所謂所有自然無  
有而悉為空色痛痒思想生死識亦無內無  
外亦無內外所有自然無有悉空四意止四  
意斷四神足五根五力七覺意八由行十種

力四無所畏四分別辯十八不共諸佛之法  
亦無內亦無外亦無內外所有自然無有悉  
空彼愚凡夫從無明教依倚著愛而有想念  
以依無明爲兩盲俱則爲不知而無所見已  
不知不見彼則思想不可得法倚於名色又  
復依倚著於佛法已有所倚而欲了知無所  
有法故不知不見何謂不知不見色痛痒思  
想生死識亦不知不見十二入十八種三十  
七品十二因緣十種力四無所畏四分別辯  
十八不共諸佛之法亦復不知不見由是之  
故名曰爲愚彼不捨施何所不捨不捨欲界  
不捨色界不捨無色界不捨聲聞辟支佛地

則不篤信何所不信不信色空不信痛痒思  
想生死識空不信十二入十八種十二因緣  
三十七品十種力四無所畏四分別辯十八  
不共諸佛之法為空不能建立不建立檀波  
羅蜜尸波羅蜜羸波羅蜜惟逮波羅蜜禪波  
羅蜜般若波羅蜜不住阿惟越致地復不建  
立諸佛之法河以是之故名曰為愚有所倚著五卷  
眼耳鼻口身意倚著諸種諸陰入倚著依求  
於姪怒癡倚著依慕諸疑邪見倚著依慕於  
佛道也舍利弗白佛言菩薩摩訶薩作是學  
為不學般若波羅蜜乎不生薩芸若耶佛言  
菩薩摩訶薩作是學般若波羅蜜不得薩芸

若舍利弗白佛言唯然世尊菩薩摩訶薩作  
是學不得薩芸若佛告舍利弗是菩薩摩訶  
薩作是學般若波羅蜜無遍想拘舍羅有所  
思想有所依倚檀波羅蜜尸波羅蜜羸波羅  
蜜惟逮波羅蜜禪波羅蜜般若波羅蜜而反  
想求依倚六波羅蜜三十七品十種力四無  
所畏四分別辯十八不共諸佛之法而復想  
求薩芸若慧已想求薩芸若而依倚是故舍  
利弗菩薩摩訶薩不學般若波羅蜜不得薩  
芸若慧舍利弗白佛言菩薩摩訶薩作是學  
般若波羅蜜爲不學般若波羅蜜爲不行薩  
芸若慧乎佛言如是舍利弗作是學般若波



羅蜜為不得薩芸若舍利弗問唯天中天菩薩摩訶薩當云何學般若波羅蜜而隨順學得薩芸若慧佛告舍利弗假使菩薩摩訶薩行般若波羅蜜不見般若波羅蜜如是菩薩摩訶薩為行般若波羅蜜為學般若波羅蜜得薩芸若慧得無所得無所得亦復不得檀波羅蜜尸波羅蜜羣波羅蜜惟逮波羅蜜禪波羅蜜般若波羅蜜亦不得須陀洹斯陀含阿那含阿羅漢辟支佛菩薩佛亦不得薩芸若如是舍利弗菩薩摩訶薩作是行為行般若波羅蜜為學般若波羅蜜得薩芸若得無所得舍利弗白佛言何謂無所得世尊荅曰

於內亦空於外亦空內外亦空一切法空

光讚般若波羅蜜經幻品第十

於是賢者須菩提白佛言唯然世尊假使問

者此幻士學般若波羅蜜欲得薩芸若問者

如此以何報答又斯幻士學檀波羅蜜尸波

羅蜜河羅蜜五卷惟逮波羅蜜禪波羅蜜欲用

逮得薩芸若河慧學四意止四意斷四神足五三

根五力七覺意八由行欲用逮得薩芸若慧

又學薩芸若慧欲以逮得薩芸若假使來問

如此誼者以何報答佛告須菩提我故問汝

於須菩提云何從其所知而報答吾於須菩

提意云何色異乎幻異乎痛痒思想生死識

異乎幻異耶須菩提荅曰不也天中天於淨  
菩提意云何幻為異乎眼復異乎耳鼻口身  
意異乎幻復異乎眼色識耳聲識鼻香識口  
味識身細滑識意法識異乎幻復異耶所習  
因緣痛痒之樂異乎幻復異耶荅曰不也天  
中天於須菩提意云何四意止異乎幻復異  
耶四意斷四神足五根五力七覺意八由行  
異乎幻復異耶空無想無願異乎幻復異耶  
荅曰不也天中天於須菩提意云何幻為異  
乎十種力四無所畏四分別辯十八不共諸  
佛之法復為異耶荅曰不也天中天於須菩  
提意云何幻為異乎道復異耶荅曰不也天

中天幻不為異色亦不異色則為幻幻則為  
色唯天中天幻不為異痛痒思想生死識亦  
不為異識則為幻幻則為識唯天中天幻不  
為異眼耳鼻口身心亦不為異幻則為眼眼  
則為幻眼色識耳聲識鼻香識口味識身細  
滑識意法識識則為幻幻則為識所習因緣  
痛痒之樂不為異也痛樂則幻幻則痛樂唯  
天中天幻不為異四意止亦不異四意止則  
為幻幻則四意止意斷神足根力覺意由行  
則為幻幻則由行唯天中天十種力四無所  
畏四分別辯十八不共諸佛之法法則為幻  
幻則為法於須菩提意云何所謂幻者為有

塵垢及瞋恨乎答曰不也天中天於須菩提  
意云何所謂幻者有所起有所滅乎答曰不也  
天中天於須菩提意云何其不起不滅者彼  
學般若波羅蜜已逮得薩芸若慧獲致一切  
大哀乎答曰不也天中天於須菩提意云何  
於此興于所知思想從習俗教因五盛陰為  
菩薩乎答曰如是唯天中天於須菩提意云  
何有知思想隨其習俗而發言教以五盛陰  
而有所起而有所滅寧可復得塵勞瞋恨答  
曰不也天中天於須菩提意云何其無思想  
無習俗無所言教無所興立無有名号無身  
無身事無言無言事無意無意事不起不滅

無有塵勞無有瞋恨又以此事學般若波羅  
蜜成薩芸若乎荅曰不也天中天佛言如是  
須菩提菩薩摩訶薩作是學般若波羅蜜成  
薩芸若者則無所有須菩提白佛言菩薩摩  
訶薩當作是學般若波羅蜜及學阿耨多羅  
三耶三菩若欲學者當知學幻所以者何唯  
天中天當觀五陰亦如幻士於須菩提意云  
何又此五陰學般若波羅蜜成薩芸若慧乎  
荅曰不也天中天所以者何其五陰者自然  
無所有其有自然無所有者亦不可得又問  
於須菩提意云何自然之喻五陰如夢學般  
若波羅蜜成薩芸若乎荅曰不也天中天所

以者何計於夢者自然無所有其為自然無  
所有者則不可得於須菩提意云何呼聲之  
響喻於五陰入復譬如水影野馬所化之喻  
譬如五陰般若波羅蜜逮成薩芸若耶答曰  
不也天中天所以者何其呼聲響水影野馬  
所化自然無所有其為自然無所有者則不  
可得所以者何唯天中天十二分別了色猶如幻  
也痛痒思想生死識及十八種六根五陰及  
五盛陰自然如夢唯天中天色痛痒思想生  
死識十八種六根五盛陰猶如夢也於內則  
空了不可得而無自然則為空矣了不可得  
須菩提白佛言今說於此般若波羅蜜新學

大乘菩薩摩訶薩聞斯說者得無恐懼畏難  
懷懷佛告須菩提假使新學大乘菩薩摩訶  
薩於般若波羅蜜不解漚起拘舍羅者不親  
善師或恐或怖或懷畏懷須菩提問佛言唯  
天中天何謂菩薩摩訶薩善師行般若波羅  
蜜有漚起拘舍羅菩薩摩訶薩不恐不怖而  
不懷懷佛言此菩薩摩訶薩行般若波羅蜜  
志在專精於薩芸若慧不觀色無常色亦不  
可得不可觀痛痒思想生死識無常識亦不可  
得志觀薩芸若不察無常亦不可得是菩薩  
摩訶薩行般若波羅蜜有漚起拘舍羅復次  
須菩提菩薩摩訶薩志在薩芸若慧不觀色



苦亦不得色不觀痛痒思想生死識苦亦不  
得識不觀色是我所亦不得我所不觀痛痒  
思想生死識是我所亦不得我所不觀色非  
我所亦不得非我所不觀痛痒思想生死識  
非我所亦不得非我所復次須菩提菩薩摩  
訶薩志學薩芸若觀於色空亦不得空觀痛  
痒思想生死識空亦不得空不觀色有常亦  
不得常不觀痛痒思想生死識有常亦不得  
常不觀色非常亦不得無常不觀痛痒思想  
生死識非常亦不得無常觀色寂寞亦不得  
色寂寞觀痛痒思想生死識寂寞亦不得識  
寂寞觀色虛無亦不得色虛無觀痛痒思想

生死識虛無亦不得識虛無是爲菩薩摩訶  
薩行般若波羅蜜有漚起拘舍羅復次須菩  
提菩薩摩訶薩不觀無常亦無所得苦空無  
我非身亦無所得不觀無常亦無所得空無  
想無願寂寞虛無亦無所得痛痒思想生死  
識不觀無常亦無所得眼耳鼻口身意色聲  
香味細滑法不觀無常亦無所得非常苦空  
無我非身空無想無願寂然虛無觀於斯事  
了無所得彼爲衆生如此意吾爲一切衆生  
之類說無常法爲顛倒者令不迷惑又分別  
法爲苦無我空無想無願寂寞虛無爲顛倒  
者令不迷惑是菩薩摩訶薩行般若波羅蜜

有漚愁拘舍羅復次須菩提菩薩摩訶薩行  
般若波羅蜜學行薩芸若慧思惟其誼不觀  
色無常不墮顛倒亦不無所得不觀痛痒思  
想生死識無常不墮顛倒亦無所得無苦無  
我爲空空無想無願寂寞虛無不令顛倒亦  
無所得色痛痒思想生死識離四非常空無  
想願寂寞虛無觀止諸事不令顛倒亦無所  
得假使在於薩芸若慧念此不捨此明菩薩  
摩訶薩惟逮波羅蜜菩薩摩訶薩行般若波  
羅蜜時志不思惟聲聞辟支佛事亦不聽志  
勸隨其行是爲菩薩摩訶薩行禪波羅蜜不  
恐不怖亦不畏懼復次須菩提菩薩摩訶薩


行般若波羅蜜當造斯觀不用色空空而爲空也色則爲空空者則色痛痒思想生死識不專爲空空色者則空識自然識空者爲識眼不專空眼自然空眼者則空空者則眼不專爲空耳聲識鼻香識口味識身細滑識意法識不專空識自然空識者則空空者則識所習因緣痛痒之樂則爲空空矣所習因緣痛痒之樂自然爲空所習因緣痛痒之樂觀之則空其心自空所習因緣痛痒之樂則亦爲空其四意止不專爲空四意止空故由是爲空其四意止自然爲空四意斷四神足五根五力七覺意八由行不專爲空三十七品則自然

空者則三十七品三十七品則空十種力四  
無所畏四分別辯十八不共諸佛之法不專  
為空則自然空空者則為佛法則空空者則  
法是為菩薩摩訶薩行般若波羅蜜不恐不  
怖亦不畏懼

十四紙

光讚般若波羅蜜經卷第五

河



5

